

IMA RACUÒRDO

I ma racuòrdo
quìla preîma nuòto
i giarièmi in ciamàda feîn a
miefanuòto.

I ma racuòrdo quando
i stivo pansàndo
da pudite stà a sinteî feîn a
la miteîna
e nu m'inpurtiva sa da 'l sùno ch'i vîvo
i stivo par indurmansàme soûl cuseîn.

E da quìla ciamàda
i ma son inamuràda,
i iè capeî ch'i ta vulivo ben
cu ànca quî seînque minoûti
cun teî i ma feîva ben.

Ti siè ca ma piàf stà sùla
par quìsto i iè capeî ca ti gîri
divièrso
parchì par la preîma vuòlta
i vulivo vî la cunpaneîa da
qualcudoûn
e nu feî a làrgo da doûti.

Cun teî
i pudaràvi rastà in silènsio par ùre
e poûr senpro sinteî el cor
pièn d'amùr.

MOTTO: *NEL RICORDO DI UNA CHIAMATA,
NASCE L'AMORE CHE RESTA*